

5

Dps andern tages als sy zemorgen hetten Gessen vñ der korb gantz lere ward furgienß esopus die anderen gar weyt mit dē leren korb so vil das sy in nicht erkennen mochten .Do in aber seyn gesellen sachent so weit vor gon vnd in mit erkanten sprach eyner zū dem andern wet ist der der so weit vor vns get gehözet er auch zū vns oder ist er frembd do sprach der eyn secht ir mit wie vns der iufer so listigklichen hat überfüret wan er hat vns die burdyn lassen tragen die sich nit mindern sunder ye leng ye mer beschwerent Vnd er hat durch sinen list das brot genomen das wir mit essen mynden nun get er ler on alle burdm Als sy aber in die stat ephesum kamend stellet sy der her an offen machet zū feylem kauff vnd verkauffet sy wol mit gutem gewyn vnd beliben mit mer wan drey die er mit verkauffen kund .Die warent eyn gramaticus.eyn harffer.vnd.esopus do sprach eyner zū dem kauffman fur sy in die stat samum so magest du sy nach allem willen verkauffen wan da ist eyn natürlicher meister d heysset Xantus zū dē vil iüngling vmb lernüg willen komēd von andern landen auß kriechen vnd suß .denen sy füglich werdent durch solchen rat watt der kauffman bewegt das er gen samum schiffet .vnd als er da hñ kam beschnyet er dē gramaticū vnd den harffer mit nuwē knechtē kleidern Aber esopū vmb dz er so vngestalt was stellet er zwuschē sy in einer grobē iuppen aber die zwen waren vast schon vnd alle die esopum ansachent erschackē ab siner vngestalt vnd sprachen von wannen küpt dz spötlich merwunder furwar er macht mit seiner vngestalt die anderē vngeschaffner .do aber esopus mercket das man in mit lützel worten ver spottet do stünd er kecklich vñ sach mengkliche an mit vnwisser gestalt.

